



ЎЗБЕКИСТОН ДАВЛАТ ХОРЕОГРАФИЯ АКАДЕМИЯСИ ЎҚУВ-УСЛУБИЙ КЕНГАШИ ТҮҒРИСИДА НИЗОМ

I. Умумий қоидалар

1.1. Ўзбекистон давлат хореография академияси (бундан буён матнда академия деб юритилади) фаолиятининг асосий масалаларини кўриб чиқиш учун Ўқув ва тарбиявий ишлар бўйича проректор раислигида Ўқув-услубий кенгаш ташкил этилади ва унинг йиғилишларини олиб боради.

1.2. Ўқув-услубий кенгаш ўз фаолиятини “Ўзбекистон давлат хореография академияси Ўқув-услубий кенгаш “Низом” асосида, қонунийлик, бошқарув ва коллегиалликни марказлаштириш тамойиллари асосида амалга оширади.

1.3. Ўқув-услубий кенгашнинг асосий вазифаси – академия жамоаси саъй-харакатларини қўйидаги масалаларни бажаришга қаратилган фаолиятини бирлаштириш хисобланади. Хусусан,

- кадрлар тайёрлаш Миллий дастурини амалга ошириш, замонавий педагогик технология ва ахборот технологиялари асосида юқори сифатли бакалавр ва магистрлар тайёрлашни таъминлаш;

- Олий таълимнинг давлат таълим стандарти ва малака талаблари даражасида мукаммал билим, малака, кўникмаларга эга бўлган профессионал мутахассислар тайёрлашга йўналтиришдан иборат.

1.4. Кенгашнинг фаолият тартиби, асосий вазифалари, таркиби ушбу низом билан белгиланади.

1.5 Кенгашнинг асосий вазифалари қўйидагилардан иборат:

1.5.1. Академияда ўқув-услубий ишларни белгилаш, самарали ташкил этиш, юқори малакали кадрларни тайёрлашга қаратилган истиқболли тавсияларни ишлаб чиқиши.

1.5.2. Тегишли кафедраларда ишлаб чиқилган Факультет Кенгаши томонидан тавсия этилган меъёрий хужжатларни (малака талаблари, ўқув режалари, фан дастурлари) мухокама этиш, тасдиқ учун тавсия этиш ишларини мувофиқлаштириш.

1.5.3. Ҳар бир фаннинг хусусиятларини инобатга олган ҳолда кафедралар томонидан ишлаб чиқилган талабалар билимини баҳолаш мезонларини муҳокама қилиш ва тасдиқлаш.

1.5.4. Республикаиздаги корхоналар, муассасалар, ташкилотларда кадрларга бўлган эҳтиёжлардан келиб чиқиб янги истиқболли бакалавриат таълим йўналишлари ва магистратура мутахассисликларини классификаторига қўшимча ўзгартиришлар киритиш бўйича таклифлар бериш ва кадрлар тайёрлашни йўлга қўйиш.

II. Кенгаш фаолиятини ташкил этиш тартиби

2.1. Кенгаш фаолиятини таълим жараёнининг амалдаги меъёрий ҳужжатлар асосида таъминловчи тегишли тузилмалар факультет (декан ўринбосарлари), мутахассислик кафедраларининг мудирлари, етакчи профессорлар, доцентлар, тегишли бўлимларнинг бошликлари ва тажрибали ходимларидан шакллантирилади.

2.2. Ўқув-услубий кенгаш раиси академиянинг Ўқув ва тарбиявий ишлари бўйича проректори ҳисобланади.

2.3. Ўқув-услубий кенгаш таркиби ўқув-услубий кенгаш раиси томонидан кенгаш аъзолари таркибидан шакллантирилади.

2.4. Ўқув-услубий кенгаш аъзоларидан раис тавсиясига кўра кенгаш раиси ўринбосари ва котиби кенгаш аъзолари таркибидан очик овоз бериш йўли билан сайланади.

2.5. Ўқув-услубий кенгашнинг йиғилиши ҳар ойда камида бир марта кенгашнинг ўрнатилган тартибда тасдиқланган иш режаси ва регламенти асосида ўқув-услубий кенгаш аъзоларининг ярмидан кўпи иштирок этганда ўтказилади.

2.6. Ўқув-услубий кенгашнинг йиғилиши барча педагог ходимлар учун очик ҳисобланади.

III. Ўқув-услубий кенгашнинг ваколатлари

3.1 Академияда факультет ва кафедраларининг ўқув, ўқув-услубий ишларини такомиллаштиришга кўмаклашиш.

3.2 Бакалавриат таълим йўналишлари ва магистратура мутахассисликларининг ишчи ўқув режаларини кўриб чиқиш ва тасдиқка тавсия этиш.

3.3 Бакалавриат таълим йўналишлари ва магистратура мутахассисликларининг ишчи ўқув дастурларини кўриб чиқиш, муҳокама қилиш ва тасдиқка тавсия этиш.

3.4 Академияда талабалар малакавий амалиётларининг натижаларини кўриб чиқиш, муҳокама қилиш ва тегишли тавсиялар бериш ҳамда қарорлар қабул қилиш.

3.5 Академияни битираётган бакалавриат таълим йўналишлари ва магистратура мутахасисликлари бўйича ДАК ҳисботларини кўриб чиқиш, муҳокама қилиш ва Академия кенгашига тавсия этиш.

3.6 Таълим сифатини доимий таҳлил қилиш, ўқув жараёнини ташкил этиш соҳасида хорижий тажриба ва янгиликларни ўрганиш, умумлаштириш, муҳокама этиш ва жорий қилиш.

3.7 Педагог ходимларнинг малака ошириш ва қайта тайёрлаш бўйича режаларини кўриб чиқиш ва тасдиқлаш.

3.8 Факультет деканининг ўқув, ўқув-услубий ҳисботларини кўриб чиқиш, муҳокама қилиш, ўқув-услубий фаолиятни такомиллаштириш бўйича қарорлар қабул қилиш.

3.9 Факультет ўқув-услубий кенгашлари фаолиятларини назорат қилиш ва ҳисботларини эшитиб бориш.

3.10 Факультет сифат комиссияси фаолиятини назорат қилиш ва ҳисботларни эшитиш.

3.11 Дарсликлар, ўқув қўлланмалар ва бошқа адабиётларнинг нашр режасини муҳокама қилиш ва тасдиқлаш.

3.12 Ўқув-услубий кенгаш низомига қўшимча ўзгартиришлар киритиш ва ҳакозалар.

IV. Ўқув - услубий Кенгашда қарорлар қабул қилиш тартиби

4.1 Ўқув-услубий кенгаш қарорлари тегишли барча масалалар юзасидан очик овоз бериш ҳамда оддий кўпчиликнинг овоз бериши йўли билан қабул қилинади.

4.2 Ўқув-услубий кенгаш мажлиси унинг аъзоларининг 2/3 қисми иштирок этганда хақиқий ҳисобланади.

4.3 Ўқув-услубий кенгаш мажлислари баённомалар билан расмийлаштирилади.

4.4 Ўқув-услубий кенгаш баённомалари кенгаш раиси ва унинг котиби томонидан имзоланади.

4.5 Ўқув-услубий кенгаш қарорлари кенгаш раиси томонидан имзолангандан кейин кучга киради.

4.6 Ўқув-услубий кенгаш қарорлари Академия ректори буйруғи ёки ўқув ва тарбиявий ишлар бўйича проректор қарори билан амалга киритилади.

4.7 Ўқув-услубий кенгаш қарорлари Академиянинг факультет, кафедралари, профессор-ўқитувчилари ва педагог ходимлари таркиби ҳамда

ўқув-услубий ишларни ташкил этишни таъминлашда иштирок этувчи тузилмалар учун мажбурий хисобланади.

4.8 Ўқув-услубий кенгаш раиси қабул қилинган қарорларнинг бажарилишини назорат қиласи ва кенгаш аъзоларига қабул қилинган қарорларнинг ижроси бўйича ахборот бериб боради.

IV. Кенгаш фаолиятини тугатиш

5.1. Ўқув-услубий кенгашнинг фаолияти Академия илмий кенгашида чиқарилган қарор асосида ректор буйруғи билан тугатилади.

5.2. Тугатилган ўқув-услубий кенгашнинг ваколатлари Академия кенгашига берилади.

Изоҳ: Ректор топшириклари ҳамда жорий ишлар заруриятидан келиб чиққан ҳолда Ўқув услубий кенгаш йиғилиши кун тартибига Ўқув ва тариявий ишлар бўйича проректор кўрсатмасига биноан тегишли ўзгартириш ва қўшимчалар киритилиши мумкин.

Мазкур Низом академия
Ўқув услубий кенгашининг
2020 йил “26” август даги
йиғилишида маъқулланган